



Gabinete Wever - Croes II

# ISLAONLINE

Noticia di Gobierno

2023

Diabierna 14 Juli 2023

Email: [IslaOnline@gobierno.aw](mailto:IslaOnline@gobierno.aw) Tel: 528-4952

**2023**  
**AÑA DI**



**UNION**  
**Y POSITIVISMO!**



@IslaOnline2023





## GOBIERNO DI ARUBA LO SIGUI NEGOCIA NA MESA CU GOBIERNO HULANDES DEMISIONARIO



Durante siman, a yega e noticia cu Gobierno di Hulanda a cay, y pa cu esaki, Prome Minister Evelyn Wever-Croes, den nomber di Gobierno di Aruba a tuma contacto cu Premier Mark Rutte pa desea su persona tur cos bon den e periodo demisionario. Tambe, Premier Rutte a indica, di ta tuma su retiro como lider politico di VVD hunto cu algun otro lidernan politico mas.

Prome Minister a enfatisa cu pa Aruba nada ta cambia. Durante e periodo cu Gobierno Hulandes ta demisionario, nan por sigui atende e temanan regular, "loopende zaken", y tur loke ta trata Aruba, ta cay den e categoria ey. Aruba lo sigui na mesa respetuosamente cu Hulanda, mirando cu e debe cu Hulanda a presta Aruba den temporada di Covid, ta madura na October 2023 y pa cu esaki lo mester yega na palabracionnan pa cu financiamiento.

Tambe, Prome Minister a indica cu e combersacionnan ta bayendo bon. El a splica

cu Aruba tabata tin varios reunion cu Hulanda riba e tema aki, y lo tin mas reunion den e dianan cu ta bin, cu e meta pa yega na palabracionnan beneficoso pa e comunidad di Aruba.

"Mi kier sigura e comunidad di Aruba, cu e caida di Gobierno Hulandes, no tin ningun influencia riba Aruba, ni riba e palabracionnan y negociacionnan cu ta andando na e momentonan aki pa cu e debe cu mester wordo paga na luna di October. Nos ta desea tur esnan na Hulanda hopi exito den e periodo aki cu e campaña electoral. Nos sa cu e tempo aki ta rekeri hopi tempo y esfuesro di politiconan, y ta sigur cu tur cos lo bay bon, na momento cu democracia vence y e bos di pueblo wordo scucha", Prome Minister Evelyn Wever-Croes a expresa.





# **Prome Minister Evelyn Wever-Croes:** **SEÑORA AMALIN FLANEGIN TA E PROCURADOR** **GENERAL NOBO PA ARUBA**

**Gobierno ta desea señora Flanegin hopi éxito den e  
funcion importante aki**



Diabierna, na Hulanda, Consejo di Minister di Reino a aproba señora Amalin Flanegin como e Procurador General nobo pa Aruba. Entrante prome di september 2023, Aruba lo tin su Procurador General nobo, un hende muhe y un Arubiano. Señora Flanegin lo asumi e cargo despues cu señor Bote Ter Steege baha como Procurador General. Diaranson ultimo, señora Flanegin y señor Ter Steege a reuni cu Prome Minister Evelyn Wever-Croes y Minister di Husticia Rocco Tjon na unda cu diferente tema a wordo trata.

Desde prome di maart, 2012, señora Flanegin ta eherce e posicion di Division Manager Supervision and Enforcement and Advisor pa e Comité Ejecutivo di Banco Central di Aruba (CBA) y ta na encargo di diferente departamento di CBA. For di 2007 pa 2011, señora Flanegin a traha como abogado na Juridische Praktijk Mr. A. Flanegin N.V. den e temporada aki, señora Flanegin tawata activo den areanan legal, un NMI mediator y tawata duna lectura na Universidad di Aruba y tambe a duna trainingnan riba proceduranan di AML/CFT na banconan local.

Entre 2002 pa juni 2007, señora Flanegin a eherce su funcion na Ministerio Publico di Aruba na unda cu el a dirigi varios investigacion criminal entre otro di abduccion, ladronia, asesinato, fraude y labamento di placa. Tambe, señora Flanegin tawata encarga cu investigacionnan militar, di Coast Guard, di Financial Investigacion Unit di Cuerpo Policial di Aruba (BFO)

y MOT, cu awo a bira FIU-Aruba.

Entre 1996-2002, señora Flanegin tawata e Director di MOT y su tarea principal tawata pa set up e departamento completamente. For di 1994 pa 1996, señora Flanegin tawata Oficial Hudicial den formacion den Corte di Husticia. Di 1992 pa 1994, Señora Flanegin tawata Secretaria Adhunta di Raad van Advies. Di 1987 pa 1992, señora Flanegin tawata abogado legislativo na Departamento di Legislacion y Asunto Huridico (Directie Wetgeving en Juridische Zaken, DWJZ).

Señora Amalin Flanegin, despues di a caba su estudio na Colegio Arubano, VWO (1974-1980), a obtene su 'kandidaats bul', 'Bachelor's Degree' na Universidad di Antia Hulandes na Augustus 1982, (1980-1982). Despues na Leiden State University na Hulanda, (1982-1986), señora Flanegin a obtene su 'doctoraal bul', 'Master's Degree', december, 1986. Na juni 1987, señora Flanegin a obtene na Leiden State Universitiy, su 'Notarial Law, Candidate Notary, 'Doctoral bul', Master's Degree (1985-1987). Na 2022, señora Flanegin a bira un Certified Anti-Money Laundering Specialist.

Prome Minister Evelyn Wever-Croes, den nomber di Gobierno di Aruba ta desea señora Amalin Flanegin hopi éxito den su funcion nobo como Procurador General pa nos pais y tambe ta desea señor Bote Ter Steege éxito den su carera.





# DEPARTAMENTO DI IMPUESTO TA HACI CAMBIO TEMPORAL DI LOCALIDAD PA CU SERVICIO PUBLICO

En conexion cu trabounan di mantencion necesario den sala unda ta ricibi e bishitantenan na oficina principal na Camacuri



Por subi e website di Departamento di impuesto pa un skema di e localidadnan cu lo tin servicio na publico durante e proximo simannan.

e orario di custumber: 7:45 – 11:30 / 1:15 – 3:30. Departamento di Impuesto ta pidi su contribuyentenan pa tuma bon nota di e anuncio importante aki pa asina evita cualkier inconveniencia.

Ta pidi contribuyentenan pa tuma bon nota di e anuncio importante aki pa asina evita cualkier inconveniencia.

E servicio na cliente via telefoon 5227424 ta continua durante

Dialuna 17 di juli 2023		
Localidad	Servicio	Orario
Oficina principal na Camacuri	Servicio na cliente (receptiebalie):	Cera
E oficinanan situa na: MFA Paradera y MFA Savaneta	Servicio na cliente (receptiebalie): - Entrega documento - Busca documento - Busca carchi di persoonsnummer - Peticion pa areglo di pago	8:00 - 12:00   1:00 - 3:00
Tur otro servicio manera servicio di caha ta sigui normal segun orario di custumber na oficina principal y na oficinanan den distrito.		

Entrante diamars 18 di juli 2023 (valido durante periodo di mantencion)		
Localidad	Servicio	Orario
Oficina principal na Camacuri	---	Cera
Oficina anexo na Camacuri (Ta dreña na porta nr. 2)	Servicio di caha pa persona 60+ (no comerciante) y pa e personanan cu ta haya onderstand	7:45 - 11:30   1:15 - 3:30
Oficina anexo na Camacuri (Ta dreña na porta nr. 2)	Busca plachi di number	7:45 - 11:30   1:15 - 3:30
E oficinanan situa na: MFA Noord MFA Paradera MFA Santa Cruz MFA Savaneta Postkantoor San Nicolas	- Servicio di caha - Registra auto - Entrega plachi di number - Haci cambio riba vehiculo di motor	8:00 - 12:00   1:00 - 3:00
E oficinanan situa na: MFA Paradera y MFA Savaneta	Servicio na cliente: - Entrega documento - Busca documento - Busca carchi di persoonsnummer - Peticion pa areglo di pago	8:00 - 12:00   1:00 - 3:00



## DIMP ta informa:

# SESIONNAN INFORMATIVO DI BBO NA FRONTERA

Durante e ultimo simannan expertonan di Departamento di Impuesto y Departamento di Aduana a duna varios sesion informativo riba e tema di BBO na frontera. E sesionnan aki a wordo bon atendi pa e siguiente partidonan:

- ATIA y su miembronan
- Camera di Comercio
- CUA y su miembronan
- AHATA y su miembronan
- Conseheronan Fiscal
- Brokernan

Tur partido a indica di ta satisfecho cu e informacion ricibi y ta contento di por a haya un espacio pa haci tur nan preguntanan. Principalmente pa e brokernan e informacion obteni di parti di DIMP y Douane tawata uno hopi importante y valioso. Entre otro nan a keda sumamente satisfecho cu awor e proceso di petition di persoonsnummer pa cu importacion di un producto lo bay di un manera mas eficiente.







## MINISTER ENDY CROES TA FELICITA SRA. ROSANNA RIDDERSTAAT CU A CUMPLI 40 AÑA DEN ENSEÑANSA DI ARUBA



Dialuna atardi, den un encuentro ameno Minister Endy Croes a ricibi bishita di Sra. Rosanna Ridderstaat. Na luna di maart ultimo, Sra. Ridderstaat a cumpli 40 aña den enseñansa.

Den nomber di Gobierno di Aruba, Minister Endy Croes a otorga na Sra. Rosanna Ridderstaat un reconocimiento como muestra di aprecio y gratitud. Pa conclui, Minister Endy Croes a gradici Sra. Rosanna Ridderstaat pa su dedicacion y profesionalismo durante 40 aña den enseñansa di Aruba.

Masha pabien!





# ARUBAHUIS SEMPER TEY PA YUDA FACILITA NOS STUDIANTENAN NA HULANDA

Otro luna lo yega e grupo nobo di estudiante Arubiano Hulanda pa sigi un estudio avansa na un Hogeschool of Universidad. No ta nada nobo cu e problematico di camber y vivienda pa estudiante na Hulanda pa hopi aña ta alarmante. E problema ta cu door di concentracion halto di stikstof den area di construccion di casnan esaki ta wordo restringi door di Union Europeo. Asina a para diferente proyectonan di construccion di cas pa e Hulandesnan mes. Ta na e gobierno di Hulanda pa percursa pa su ciudadanonan tin suficiente vivienda pa biba. E situacion di vivienda pa studiantenan no ta otro.

Nos por mira a base di e feedback di nos mentornan cu hopi estudiante por ehempel ta gusta bay studia na Eindhoven, pasobra tin estudionan den e ramo tecnico na Ingles. Tambe otro studiantenan internacional ta interesa den e estudio na Ingles ey. Esey ta causa un run riba viviendanan na Eindhoven y vivienda ta bira scars. Pero tambe e problema di vivienda den ciudadnan grandi manera Amsterdam, Rotterdam, Utrecht y Eindhoven ta hopi grandi y ta cuidadnan cu ta hopi dificil pa haya un camber di estudiante.

Mirando e seriedad di e situacion Arubahuis a bin cu un plan di accion. Esaki a encera principalmente reunionnan frecuente cu Minister di Enseñansa Endy Croes y cu Departamento di Enseñansa (DEA) ariba e preparacionnan pa e meeting di Minister Endy Croes na November 2022 pa splica studiantenan con pa prepara nan mes mihor.

Pa e meeting pa estudiante na Aruba Arubahuis a traha un roadmap di instancianan pa region unda studiantenan por inscribi nan mes un aña anterior segun e diferente regionnan na Hulanda y cual mentor ta yuda den e proceso di facilita e informacion y eventual e contacto cu instancianan concerni den esaki una bes cu yega Hulanda. Loke ta yuda ta e studiantenan inscribi nan mes di 1 pa 3 aña di antemano promer cu bin Hulanda. Esaki ta un aviso cu Arubahuis a duna e minister di Enseñansa.



Na luna di maart ultimo Ministerio di Enseñansa a tene un meeting pa un 200 estudiante unda cu Arubahuis y algun di nos mentornan a duna informacion tocante e situacion cu nos estudiante por encontra na Hulanda. Esaki no ta solamente e problema di Vivienda.

Minister Plenipotenciario mr. Ady Thijsen a duna diferente conseho por escrito pa e Minister di Enseñansa con pa drecha e situacion di nos studiantenan na Hulanda. 'Kico tin mester riba diferente tereno, no solamente e tereno di vivienda. Riba e tereno di vivienda mi conseho na Minister Endy Croes ta pa laga estudiante prepara un dossier unda ta demostra cu 1 aña prome cu nan biaha pa Hulanda nan a prepara nan mes debidamente riba e tereno di vivienda, pues a inscribi na diferente instancianan pa haya un camber den e aña proximo. Tambe nos a duna conseho na Gobierno pa para garantia pa estudiante por haya cierto cambenan "Short stay". E garantia aki mester ta mara na condicionnan stricto y cu e estudiante lo mester tin un razon "zwaarwegend" pa e por nenga e camber. Pasobra para garantia ta trece hopi riesgo cune. Esey ta encera cu si e estudiante nenga e camber y asina kibra e contract cu e mes a firma, anto elo mester paga e resto di obligacion cu ta keda den e contract,' asina Minister Thijsen a conclui.

## MINISTER THIJSEN A FELICITA FRANCIA CU "QUATORZE JUILLET"

Minister Plenipotenciario mr. Ady Thijsen den nomber di Gobierno di Aruba a felicita embahador di Francia na Hulanda François Alabrune cu celebracion di "Quatorze Juillet" e Dia Nacional di Francia.

Esaki a tuma lugar durante di un recepcion na e residencia di embahador Alabrune.

Durante e recepcion Minister Thijsen a topa y papia cu diferente otro embahadornan manera embahadora di Merca na Hulanda Shefali Razdan Duggal, embahador di Uruguay na Hulanda Álvaro Enrique González Otero y embahador di Surnam na Hulanda Rajendre Khargi.







Positivismo ta un factor importante pa logra union. Ora cu famianan y comunidadnan ta traha hunto pa metanan comun, e chens pa exito ta bira mas grandi. Tambe e ta crea un ambiente mas stabiel y harmonioso cu ta necesario pa e crecemento y desaroyo di un sociedad.